

Unammilleqatigiinneq pillugu inatsisartut inatsisaanni kaaviiartitat ilaalu ilanngullugit naatsorsortarnerannut Namminersornerullutik Oqartussat nalunaarutaat

Unammilleqatigiinneq pillugu inatsisartut inatsisaat nr. 16, 19. november 2007-imeersumi § 7, imm. 6 naapertorlugu aamma Unammilleqatigiinnermut Ataatsimiititaliamit oqaaseqaateqarneratigut aalajangersarneqarpoq:

Kaaviiartitat

§ 1. Nalunaarummi matumani "kaaviiartitat" imatut paasineqarput ileqqusumik ingerlatsinermut atatillugu kaaviiartitat ilanngaaseriikkat naleqarnerulersitsinermi akitsuutit aamma akitsuutit akileraarutillu allat, tunisinermut toqqaannartumik atassuteqartut ilanngaatigalugit, taamaattorli §§ 7-9 takukkit.

Imm. 2. Suliffeqarfip peqataasup kaaviiartitai, unammilleqatigiinneq pillugu inatsisartut inatsisaanni § 7, imm. 1, nr. 3 naapertorlugu, ukiumi kingullermi naatsorsuiffiusumi kaaviiartitatut naatsorsorneqartarput, taamaattorli §§ 7-9 takukkit.

Imm. 3. Unammilleqatigiinneq pillugu inatsisartut inatsisaanni § 7, imm. 1, nr. 3 naapertorlugu kaaviiartitat suliffeqarfipit peqataasut kaaviiartitaasa katinneqarneqartarput.

Imm. 4. Suliffeqarfik peqataasoq ataaseq arlallilluunniit ukiumi kingullermi naatsorsuiffiup naanerata kingorna ingerlatami ilaaniq tunisaqarsimappat, kaaviiartitat ilai tassunga tunngatinneqarsinnaasut suliffeqarfipit peqataasut kaaviiartitaannit ilanngaatigineqassapput. Kaaviiartitat pigisanut nalilinnut atassuserneqarsinnaasut, ukiup kingulliup naatsorsuiffiup naanerata kingorna pissarsiarineqarlutik aqunneqalersut suliffeqarfip peqataasup kaaviiartitaanut ilanngunneqassapput.

Suliffeqarfissuup kaaviiartitai

§ 2. Suliffeqarfip peqataasup kaaviiartitaanut aamma ilaapput suliffeqarfinni atassuteqartuni kaaviiartitat, § 3 naap. Suliffeqarfik peqataasoq imaluunniit atassuteqartoq aamma tassaasinnaavoq naalagaaffik, Namminersornerullutik Oqartussat, kommuni imaluunniit kommunit peqatigiiffiat, § 9 naap.

Imm. 2. Suliffeqarfip peqataasup kaaviiartitaanut ilaangillat suliffeqarfip peqataasup aamma suliffeqarfipit atassuteqartut akornanni imaluunniit suliffeqarfipit atassuteqartut akornanni kaaviiartitat.

§ 3. Nalunaarummi matumani "suliffeqarfipit atassuteqartut" tassaapput:

1) Suliffeqarfip immikkoortortaqarfip. Suliffeqarfip taakkupput suliffeqarfip peqataasup toqqaannartumik toqqaannanngitsumilluunniit aalajangiisuuflusumik sunniuteqarfifigisinnasai soorlu

aktiaateqarluni ingerlatseqatigiiffit pillugit inatsisip Kalaallit Nunaannut atulersinneqarnera pillugu peqqussummi § 2-mi taamatut allanneqartoq.

- 2) Suliffeqarfik pingarnerusoq. Suliffeqarfifit taakkuupput suliffeqarfimmi peqataasumi aalajangiisuuffiusumik sunniuteqartuuusut.
 - 3) Suliffeqarfifit allat suliffeqarfifup pingarnererusup aalajangiisuuffiusumik sunniuteqarfifisinnaasai.
 - 4) Suliffeqarfifit, suliffeqarfifit arlallit, soorlu nr. 1-imii 3-mut taaneqartuni, peqatigiillutik aalajangiisuuffiusumik sunniuteqarfifisinnaasaat.
 - 5) Suliffeqarfifit, nr. 1-imii 4-mut ilaangnikkaluarlutik, allakkatigut isumaqatigiissuteqarnikkut imaluunniit suliffeqarfifup malittarisassaanni aalajangersakkat kingunerisaannik ataatsimoortumik aqunneqartut imaluunniit tassanngaanniit aalajangiisumik sunniiffingineqartut, una tunngavigalugu:
 - a) ataatsimoortumik aqutsisut suliffeqarfifit peqataasut niuerfimmi ingerlataqarnerannik ataqtigiissaarisuusut,
 - b) suliffeqarfifit peqataasut ingerlaannartut ataatsimoortumik aqutsisut ataaniittut, aamma
 - c) niuernikkut aarlerinarsinnaasut aningaasaqarnikkullu angusat agguarneqarnissaannik aqqissuussisoqarsimasoq.
- § 4. Suliffeqarfimmi ataatsimi suliffeqarfifit peqataasut marluk amerlanerilluunniit ataatsimoortutik suliffeqarfimmi aalajangiisuullutik sunniuteqaraangata suliffeqarfifup taassuma kaaviiartitai kaaviiartitanut tamarmiusunut ilanngullugit naatsorsorneqassapput.**
- Imm. 2. Imm. 1 naapertorlugu kaaviiartitanut tamarmiusunut ilaangillat suliffeqarfifit peqataasut aamma suliffeqarfifup ataatsimut aqutsisuusup akornanni kaaviiartitat.*

Kaaviiartitat allat

§ 5. Suliffeqarfik peqataasoq suliffeqarfifinnik allanik assigusumik isumaqatigiissusorsimappat suliffeqarfifit taakku kaaviiartitaat unammilleqatigiinneq pillugu inatsisartut inatsisaanni § 7, imm. 1 naapertorlugu kaaviiartitanut tamarmiusunut ilanngullugit naatsorsorneqassapput.

Imm. 2. Kaaviiartitanut tamarmiusunut ilaangillat suliffeqarfifit imm. 1-imii taaneqartut akornanni kaaviiartitat.

Brancheforeningit kattuffilli

§ 6. Brancheforeningimi imaluunniit kattuffimmi allami, tamatumunna assersunneqarsinnaasumi kaaviiartitat, unammilleqatigiinneq pillugu inatsisartut inatsisaanni § 7, imm. 1, nr. 3 naap., peqatigiiffiup ilaasortaannut kaaviiartitat tamarmiusutut naatsorsorneqartarput peqatigiiffiup nammineq kaaviiartitai ilaatillugit.

Imm. 2. Imm. 1 naapertorlugu peqatigiiffiup kaaviiartitai naatsorsorneqartarput peqatigiiffiup ilaasortaasa aamma peqatigiiffiup taassumalu ilaasortaasa akornanni kaaviiartitat ilanngaatigalugit.

Aningaasaqarnikkut suliffeqarfifit

§ 7. Ingerlatseqatigiiffit sillimmasiisarfit eqqarsaatigalugit kaaviiartitanut taarsiullugu sillimmasernermi akiliutit tamarmiusut nalingini atorneqarput tassa sillimmasernermi akiliutinut ingerlasseqatigiiffinni taakkunani sillimmaserneqartunut imaluunniit taakkununngaa akilerneqartunut naleqqiullugu tiguneqartut imaluunniit siunissami tiguneqarumaartut tamarmik, tassunga ilanngullugit sillimmaseqqinnissamut isumaqatigiissutit nassiusassat, akileraarutit imaluunniit akileraarutinut eqqaanartut akitsuutit

ilanngaatigereerlugit, sillimmashermermi akiliutissat imaluunniit aningaasat sillimmasiissutaasut tunngavigalugit akileqquneqartut.

§ 8. Taarsigassarsisitsisartut allalu aningasaqarnikkut suliffeqarfut eqqarsaatigalugit kaaviiartitanut taarsiullugu isertitat makku katinneqarneri atorneqarput, taamaattoqartillugulu naleqarnerulersitsinermi akitsuutit aamma akileraarutit imaluunniit akileraarutinut eqqaanartut akitsuutit ilanngaatigereerlugit, isertitanut ukununnga toqqaannartumik attuumassuteqartut:

- 1) Erniatigut isertitat ilaalu ilanngullugit.
- 2) Aktianit ilaalu ilanngullugit aamma aningasaatitigut piginneqataassutinit allanit iluanaarutit.
- 3) Akitsuusiusanit tunisanit isertitat ilaalu ilanngullugit.
- 4) Aningaasanit nalilinnit nunat allat aningaasanit nalinginit iluarsiissutit ilaalu ilanngullugit, taakku ataatsimut isigalugit pissarsiffiuppata.
- 5) Illeqquusumik isertitat allat.

Naalagaaffik, Namminersornerullutik Oqartussat, kommunit kommunillu peqatigiiffi

§ 9. Naalagaaffik eqqarsaatigalugu kaaviiartitanut taarsiullugu ukiumi naatsorsuiffiusumi kingullermi ministeriaqarfiusumi pineqartumi ingerlatsinermut sanaartornermullu aningaasartuutit tamarmiusut, naalagaaffiup konto-t nalunaarsorsimaffianni immikkoortut pingarnerit 1 aamma 3 naap.

Imm. 2. Namminersornerullutik Oqartussat eqqarsaatigalugit kaaviiartitanut taarsiullugu ukiumi naatsorsuiffiusumi kingullermi naalakkersuisoqarfiusumi pineqartumi ingerlatsinermut sanaartornermullu aningaasartuutit tamarmiusut, Namminersornerullutik Oqartussani naatsorsuuserineremi kontonut ilitsersuummi ciffer 7-mi takuneqarsinnaasumi konto-t 1 aamma 7 naap.

Imm. 3. Kommuni imaluunniit kommunit piginneqatigiiffi eqqarsaatigalugit kaaviiartitanut taarsiullugu ukiumi naatsorsuiffiusumi kingullermi ingerlatsinermut sanaartornermullu aningaasartuutit tamarmiusut, kommunimi konto-t nalunaarsorsimaffianni ciffer 7-mi takuneqarsinnaasumi konto-t 1 aamma 7 naap.

Kaaviiartitat danskit koruuniinut naatsorsoqqinneri

§ 10. Nunat allamiut aningasaannik naatsorsueqqinnejq suliffeqarfipuk ukiumi naatsorsuiffigisaani kingullermi aggortitsinermi aningaasat nalingisa agguaqatigiinneri malillugit danskit koruuniinut naatsorsueqqittooqassaaq.

Kaaviiartitsinermi killiliussat qaangerneqarneri

§ 11. Inatsimmi § 6, imm. 1-im ierteqqusummit unammilleqatigiinneq pillugu inatsimmi § 7, imm. 1-imut ilaatinneqanngitsoq atutissaaq, suliffeqarfut peqataasut ukiuni naatsorsuiffiusuni tulleriinginnarni marlunni kaaviiartitat pineqartut annerpaamik procentinik qulinik qaangerluarpataqilluunniit.

Imm. 2. Imm. 1-im aalajangersagaq atutissanngilaq kattunnerit, suliffeqarfinnik tigusinerit kattussinerilluunniit pillugit malittarisassat pillugit Namminersornerullutik Oqartussat nalunaarutaat nassuiarneqartut kattunnerit inernerisa kingunerisaanik kaaviiartitanut killiliussanik taaneqartunik qaangiinerusimappat.

Atulersinnera

§ 12. Nalunaarut una ulloq 1. juli 2008-imi atulissaq.

Namminersornerullutik Oqartussat ulloq 1. juli 2008

Siverth K. Heilmann

/

Christel Lund Jæger-Hansen

Namminersorlutik Oqartussat
Imaneq 4
3900 Nuuk
E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviat
Naalakkersuisut